

# 11 تفسير سورة النمل (11) (من قول الله) قل الحمد لله وسلام على عباده الذين اصطفى (الآيات 26-95)

شوقي عبدالصادق

الحمد لله والصلاة والسلام على سيدنا رسول الله وعلى اله وصحبه ومن والاه وبعد. سلام الله عليكم ورحمته وبركاته ثم اما بعد انتهينا الى ان الله عز وجل امر الامة في شخص رسولها صلى الله عليه وسلم - [00:00:00](#) ان تحمد الله على كل شيء على السراء والضراء وكل شيء تحمد الله على الاسلام في المقام الاول. تحمد الله على ان اهلك الظالمين. ونجى المؤمنين. وقل الحمد لله قل الحمد لله - [00:00:26](#) وسلام على عباده الذين اصطفى. امر ان احنا نطلب من الله يعني سبحان الله وسلام سلام مني ها؟ من الله طب ما ما ينزل السلام وخلص مش كده؟ محتاجة ان احنا نطلبه - [00:00:46](#) الحمد لله ماشي امر بالحمد يقتضي الوجوه وسلام على عباده الذين اصطفى. يعني ايه يا رب سلم على عبادة الذين اصطفيتهم طب ما هو الله سبحانه وتعالى هو اللي هيسلم. بيامرنا ان احنا نطلب السلام على عباده الذين اصطفى - [00:01:09](#) دي نعمة مهمة قوي يا اخواننا وفلسفة عزيمة بين المؤمنين ولزلك رب العزة اثنى على هذا النوع من الناس او من المؤمنين يعني فقال والذين جاءوا من بعدهم يقولون ربنا اغفر لنا ولاخواننا الذين سبقونا. بالايمن - [00:01:34](#) اغفر لنا وعلمنا في التحيات لما بنتشهد ونقول اشهد ان لا اله الا الله امرنا برضه ان احنا نسلم على العباد الصالحين وعلى انفسنا مع ان السلام هيبجي على الصالحين من عند الله - [00:01:58](#) لكن نكون احنا سبب؟ ايوة وسبب كل يوم خمس مرات ده مرات انما عدد يبقى سبعتاشر على الاقل لما بنقول السلام علينا وعلى عباد الله الصالحين. يقول سيدنا النبي عليه الصلاة والسلام - [00:02:19](#) فانكم اذا قلتموها اصابك كل عبد لله صالح خل بالك عبد مين ها؟ لله. لله. مش عبد للفران مش عبد للبقرة مش عبد للبدوي لا عبد لله يعني دور مرة؟ ايوة - [00:02:41](#) عبدي لله بس اصابك كل عبد لله صالح في السماء والارض اجاب لازم يكون عبد لمين لله لان الرسول قال لنا في حديث تاني تعس عبده الدينار تعس عبده الدرهم مش كده ولا ايه؟ يبقى دي مش هتصيب الايه - [00:03:02](#) العباد دول لا لا العباد لله بس عبد الدينار لأ عبد الدرهم لأ ما هو عبد الدينار مش هيصلي ولا في دماغه صلاة. عبدالفرج ده ما فيش حديث قال عليه بس موجود ولا مش موجود؟ - [00:03:26](#) ولا ايه عبدالفرج ده هينال حتى لو صلى عبد الدبر حتى لو صلى لا ينال من دي ابدا لازم يكون عبد لله لما يتخلص من القرف اللي هو فيه ويخلص من البلاء اللي هو فيه ويبقى عبد لله خلاص - [00:03:40](#) تصيب الدعوة دي. السلام علينا وعلى عباد الله الصالحين طبعا عباد الله الصالحين او في المقام او الانبياء والرسول هل على اللي عملوه للناس والجهاد اللي جاهدوه والتعب اللي تعبوه - [00:04:04](#) وبعد كده بقى العباد الصالحين بعضهم العلماء الربانيون. نمرة اتنين على طول. ميزان الامة اصلا وبعد سنك من العباد العباد ولانه لا يمكن يكون عابد رباني عالم رباني ومش عابد. ما تجيش اصلا. يبقى عالم شيطاني. ما يبقاش عالم رباني. لازم يبقى عالم -

[00:04:21](#)

عابد في وقت واحد وكل عالم عابد وليس كل عابد عالم. اه معنا بعد ذلك قوله تعالى امن خلق السماوات والارض سبحان الله الله يا اخوانا صبور على العباد قوي قوي - [00:04:42](#)

دي زي يعني هو اولاً لا يصح ان احنا نقول دي مناقشة. لان لو ربنا هيناقش العباد هو يضم اللعبة دي عشان ربنا يناقشه. بس جدلاً هنسميها مناقشة هنسميها مباشر - [00:05:00](#)

هنسميها مباشر فيها ايه بقى ؟ امن خلق السماوات والارض وانزل لكم من السماء ماء فانبتنا به حدائق ذات بهج. مين اللي عمل لكم كده المفروض السؤال بقية السؤال يقول الله مع الله؟ يا من غير السؤال ما يطرح احنا اصلاً لازم ايه ها؟ نحمد الله على كده مين اللي عمل ده اصلاً - [00:05:15](#)

امن جعل الارض قراراً وجعل خلالها انهاراً وجعل لها رواسيا وجعل بين البحرين حاجزاً. الله مع الله كل ام مندي في هذه الايات كلها اللي جت تقريبا اربع مواضع امن في هذه الايات كلها ايه؟ مين اللي يفعل؟ اللي فعل الحاجات دي - [00:05:39](#)

يستحق ان يعبد طيب مبدئياً مين اللي فعلها؟ فاحنا بنقول الله طيب طالما الله هو اللي فعلها وما حدش فعلها معه اصلاً طب ليه بتعبدوا غيره ليه ليه بتعبدوا غير؟ ليه بتلجأوا الى غيره؟ - [00:06:02](#)

اللي عمل الاشياء دي وسواها وسواها ولا يقدر عليها اي او خلي بالك اي شيه في الوجود واي موجود اي شيه في الوجود واي موجود لا يقدر على شيه مش بس خلق السما لا لا لا لا لا يقدر على شيه - [00:06:22](#)

كل الوجود اللي انت شايفه ده لا يقدر على شيه. لا ملايكة ولا انبيا ولا اي شيه. زد على كده بقى يعني تبقى دي عجز ايه؟ عجز عام بقى في عجز كمان خاص بالانس والجن - [00:06:49](#)

عاجزين عن التخلص من الفضلات بتاعتهم لان الكائنات التانية ممكن ما يكونش عندها الملايكة مسلاً ما عندهم فضلات. مسلاً هم قاموا لا يقدروا على شيه زيد بقى نسبة العجز اكثر عند مين ها؟ الانس والجن حتى الفضلات يا راجل - [00:07:05](#)

الحاجات اللي في احشائهم ما يعرفوش يخلصوا يتخلصوا منها ويطلعوها ما المسيح ابن مريم؟ ما المسيح المسيح هو عيسى اه واه الا ايه يأكلان الطعام يأكلان الطعام. جت يأكلان الطعام ليه؟ طب اللي بعدها ما جاش - [00:07:28](#)

بس يتفهم منها يأكلان الطعام ما قلش بيخرجوا الفضلات. بس طالما فيه طعام يبقى فيه ايه؟ يبقى فيه اخراج في اخراج واي بني ادم ما يقدرش تشوف نسبة العجز كمان عمالة تزداد ازاى؟ يبقى إله مع الله يقدر يعمل الحاجات دي؟ لا طبعا - [00:08:00](#)

الاية اللي قبلها قل الله خير ام يشركون؟ قلنا الله خير في ذاته في صفاته في منحه في عطائه في كل شيه الله خير من اي مخلوق الله خير من الملايكة الله خير من الرسل الله خير من كل شيه - [00:08:23](#)

الله خير اما يشركون. يبقى اشركنا ولا ما اشركناش؟ الله ايه ها؟ خير يعني هنعمل مقارنة الله خير بين المعبودات طيب ما احنا الحمد لله ما عندناش معبودات برضو الله ايه؟ الله خير. واضح؟ اه - [00:08:43](#)

فعلشان كده نعم امن لا استفهام استفهام اه استفهام استفهام الاية يا اخوانا السابقة بتقول لنا الله خير ام لا يشركون؟ قلنا خلاص قولوا واحدا الله خير سواء الموحدين يعتقدوا ان الله خير - [00:08:59](#)

المشركون يجب ان يعتقدوا ان الله ايه؟ خير من مين؟ من الالهة والمعبودات اللي ايه؟ اللي بيعبدوها. فرب العزة بيزكر الحاجات دي وانبت وكذا. خل بالك هنا اه ام من جعل الارض قراراً وجعل خلالها انهاراً وجعل لها فانبتنا هنا قال ايه؟ وانزل لكم من السماء ها؟ ماء - [00:09:24](#)

ما والف انبتنا به طب ما كان يسبب الفعل لغير معلوم ويقول فانبت به فمممكن الناس تنسب الانبات لمين؟ للماء فقال فانبتنا ليه؟ لان عمر الماء ما بينبت ولذلك في سورة الانعام الايمان ان الله - [00:09:47](#)

فالق الحب والنوم. بس ما فيش اي قدرة في الوجود تطلق الحب والايه والنوم. يبقى هو اللي انبتك بس فانبتنا به حدائق ذات بهجة. ما كان لكم ان تنبتوا ايه؟ شجرة. حدائق مبهجة حاجة جميلة. فيها بقى - [00:10:16](#)

كل انواع الفواكه والحاجات والطبية والحاجات يا الله! الله مع الله سبحان الله! بل اكثرهم ايه؟ بل هم قوم اول حاجة بل

هم قوم ايه؟ يعدلون. قلنا العدل هنا له ايه؟ معنيان - [00:10:36](#)

يعدلون يعدلون بي يعدلون عن علماء اللغة يقولوا يعني تعدى بالباء او تعد بعالم يعني نضيف عليها باء او تبقى تتبع عنه. يعدلون الذي فهنا هم بهم يعدلون سورة الانعام نفس الكلام. قال رب العزة - [00:10:52](#)

في اول السورة في اول السورة خلق السماوات والارض وجعل الظلمات والنور ثم الذين كفروا بربهم يعدلون. وفي الاخر برضو خالص قال رب العزة كذبوا باياتنا والذين لا يؤمنون بالآخرة وهم بربهم يعني بي بي - [00:11:18](#)

بربهم يعدلون. يعدلون يعني ايه؟ يرفع المخلوق فوق فوق يسووه بمين اه جعلوا لله عدلا ونظيرا ومشابها ومسويا. مين هم؟ اللي كفروا اللي كفروا اللي كفروا بالله زي ما بيعزم الحاجة دهى - [00:11:39](#)

تعظيمه لله ويمكن اشد كمان او يعدلون يعني يميلون عن الحق والذين كفروا اه امن جعل الارض قرارا وجعل خلالها انهارا واضح الكلام واضح. الارض قرارا دبع نيمة عزيمة اوي. قرارا ايوه. طب ايه يعني؟ طبعا اكمنها قره من نهار ما اتولدنا ولقينها قارة -

[00:12:04](#)

مش حاسين ان هي ايه؟ نعمة وهي كده يا اخوانا اي نعمة طول الالف مع النعمة بيحولها شيه معتاد فما بتحسش ان هي نعمة تحس امتى ان هي نعمة لما يتغير نزامها - [00:12:28](#)

معي؟ طيب الارض قارة وحلوة اهي بيتك وجريك وشقاك وسفرك برة وجوة قمت عامل بيت خمس ست ادوار الارض القارة دي المستقرة دي اهتزت وقعت لك الايه اللي بتلطم كده ولا ايه؟ طب هابني فين تاني؟ هابني في حته قارة وجايز برضو ايه -

[00:12:46](#)

ده انت هتتوب وعمرك ما هتبني صح ولا مش صح؟ هتبني بيت تاني ليه تبني بيت تاني ليه؟ تقول اه اما جيش الزلزال الجيش بس لا ده انا هسكت بالايجار يا عم. تحويشة العمر والجري وكله راح لحاله - [00:13:11](#)

هتبيع الارضية وعمرك ما ليه بقى لان هتخاف امن جعل الارض ايه قرارا ده سبوتها دي اكبر نعمة اكبر نعمة من النعم. بس تكون سببا ان احنا اتولدنا لقينها حلوة كده - [00:13:26](#)

خلاص انما لو اتولدنا واهتزت بعد ما خلفت عيال وحلوين بقوا رجالة كده وهوب اهتزت العيال كلهم راحوا ماتوا كلهم في الزلزال كده احس بقى ايه بنعمة الارض القرار. وهكزا - [00:13:44](#)

وهكزا. الله مع الله اللي خلاها سابتة. اومال مين اللي هزها؟ الله برضه ده بيفرض الله بقى مش موجود مش هتبقى في ارض من اصله. مش هتسبت يعني الله عز وجل لو ايه؟ لو شال عنها الاستقراء - [00:14:03](#)

وسيبيها تهتز سبحانك يا رب سببها تهتز والله ده احنا زارعين ولا ولا هنعرف نعيش اصلا ولا نعرف ما فيش حاجة ما فيش حياة هتستقيم ابدًا. امن جعل الارض قرارا - [00:14:21](#)

بس زي ما بقول لك انا كده اتولدنا وجدودنا اتولد لقناها لقناها حلوة كده ارض وحلوة قاعدة سابتة كده. والجبال مدقوقة فيها وانهار فيها اهو. نعمل ايه؟ نروح بس جنب النهر عشان ايه؟ نشرب ننسب - [00:14:38](#)

بس امال مين اللي اجراه وجعل خلالها انهارا وجعل لها رواسي اللي هي الجبال وجعل بين البحرين حاجزا. يا حي يا قيوم بحرين طب وليه لزمتمهم البحرين ده المالح ده مهم جدا. اكيد احنا عارفين في طريقة حفز الطعام ان نزود نسبة الايه - [00:14:53](#)

الملح مش دي طريقة من طريقة الحفز؟ نزود الملح ها طريقة من طرق الحفز. اهو بقى طب هنزود ملح الارض هنزوده ازاى؟ ما هي مش طبخة. انما اللي خلقها عامل لها مادة حافزة اللي هي الملح. الجبال مسبته جسم الارض - [00:15:12](#)

طب والهوا بتاعها هواها اللي احنا بنشمه ده ده ممكن يعفن زي حته اللحمة اللي ما عليهاش ملح خالص وانت عاوز تحفزها. تعفن وتضرب فهي بقى الملح ده وجعل بين البحرين ايه - [00:15:32](#)

حاجز خلى فيه مالح وفيه خلة عازل. طب المالح لازمته ايه اصلا؟ هو ده هو ده المادة الحافظة لهوى الارض يبقي الجبال حافزة جسمها والبحار والمحيطات حافزة ايه ها هواها لو اتشالت هتلاقي الهوا كله جراسيم وعفن ويموت تاخذ نفس روح لحالك -

تبقى ما تنفعلش خالص. مين بقى اللي يقدر يعمل كده غير مين؟ الله سبحانه وتعالى. وطبعا النفس ده مطلوب للانسان والايه حيوان والنبات مش كده؟ النبات ما هو حافظ برضو حتى ساني اكسيد الكربون مش النبات بياخده يدينا الاكسجين مش كده ولا ايه -

هو هو برضه محافظ على العملية دي. ما هو النبات لو ما خدش هيموت ولو مات هناك منين؟ والحيوان هياكل منين؟ معي ولا مش معي. اه فكده حفز كل ده مين اللي عمله؟ طبعا الجواب الله - [00:16:40](#)

لكن الشيء العجيب الله مع الله بل هم قوم يعدلون بل اكثرهم لا يعلمون طبعا فعلا الناس حتى ان كانت بتعلم لا تعلم او ما عندهاش استعداد تعلم او نسي الموضوع ده مش شاغلها اصلا - [00:16:57](#)

والايات دي بتحرك تحرك الضمير الايماني عند الناس عشان تؤمن. طب والحمد لله انا مؤمن ايمانك يزيد تحس بالنعمة عشان يطلع من فمك ومن قلبك الحمد لله وسلام تطلع صح - [00:17:17](#)

يطلع صح من ضمن برضه الحاجات امن يجيب المضطر اذا دعاه ويكشف السوء ويجعلكم خلفاء الارض. الله مع الله برضه لا سبحان الله لا اله الا الله! قليلا ما ايه - [00:17:35](#)

ما خلي بالك كل ختام له دلالة عظيمة جدا لا يمكن تشيل ختام وتحط ختام. يعني يعدلون لا يمكن تحطها بل اكثرهم لا يعلمون ولا يمكن تحطها مكان قليلا ما تزكروه. كل واحدة في ايه - [00:17:57](#)

وخلي بالك في الختام العجيب قوي في الاية دي بالزات قليلا ما ايه ما تذكروا. من ناحية اللغة امن يجيب المضطر خلي بالك الافعال في الجملة دي. في الاية دي. يجيب - [00:18:16](#)

ويكشف ويجعلكم خلفاء يجيب ويكشف ويخلف يخلفكم يجعلكم خلفاء ادي ثلاثة فين الفاعل فيهم؟ وحده لا شريك له. امن يجيب يجيب الفاعل هنا صحيح مش مذكور لكن تقديره الله طب والمضطر - [00:18:31](#)

مفعول به. مش كده اه اذا دعاه دعاه دي جملة على بعضها كده دعاه دعاه وتدعي مين؟ الفاعل مين؟ العبد المضطر دعاه والضمير ده يعود على مين دعاه يعود على رب العزة سبحانه - [00:19:01](#)

ويكشف من فاعلها الله عز وجل ويجعل فاعلها الله عز وجل تلت افعالهم العبد الفقير اللي صدر منه فعل واحد بس دعاه الرب الغني العزيز القوي المتين يقابله بتلات افعال - [00:19:25](#)

هو صدر منه ايه ها فعل واحد بس دعا واحد بس قبله يجيب ويكشف ويجعل يجيب ويكشف ويجعل العبد الفقير المفروض يطلع منه خمسميت فعل والغني يبجي منه ايه ها - [00:19:53](#)

مسلا لكن العكس الفقير يأتي منه فعل واحد والغني سلاسة افعال يجيب ويكشف ويجعل ويحسن له حاله ويجعل عنه خلفاء يعني يحس بحاله وهنشوف برضو فصيلها ويجعلكم خلفاء دين يجيب المضطر - [00:20:17](#)

متى عند اضطراره ايا كان بقى المضطر هنا تشمل المؤمن والكافر يجيب المضطر يجيب المضطر. مع ان المضطر النهاردة عمره ما يبفكر في دعاء الله الا ما رحم رب المضطر مليا - [00:20:42](#)

سكة البنك بابنة على طول وهاي العيلة ده بتلاتة ونص يا بلاش مفهوم الكلام ولا مش مفهوم اه هيدعو ليه اه موجود اهوه. ده بالبطاقة ده الاول كان بياخدوا ضمانات. دلوقتي بقى بالبطاقة - [00:21:06](#)

بقى سهل بضمن الراتب ده الموزف بيجي له لحد البيت ما كانش فيه ضرورة اتوجدت الايه ها الضرورة الموزف ما كنش يعني هو كان بيروح الاول لا اللي قاعد موزف بيجي يعمل له اغراءات كده - [00:21:27](#)

فيفكر فيخلق هو من نفسه ايه ها؟ ضرورة. يجيب المضطر اي ساعة اضطراره. طب ليه لان ساعة الاضطرار ينعقد في قلب المضطر انه مش هيسأل الا الله بينعقد في قلبه كده - [00:21:45](#)

مع ان الله عز وجل يعلم ان هذا المضطر سواء مسلم او غير مسلم يعلم اني بعد الاضطرار ما يزول هيرجع لاصله ويشرك والقرآن قال

كده وحال الناس فعلا كده - 00:22:08

واذا مسكم الضر في البحر جرب كده تركب بحر وتقع في حالة اضطرار واذا مسكم الضر في البحر ضل من تدعون الا اياه فلما نجاكم الى البر عرضته بعد ما نجاكم وكان الانسان - 00:22:28

كفوراً اركب مركب كده وبتغرق المركب والجهزة اتصال خربت ما فيش اتصال الشبكة مفصلة الشبكة خرابانة ما فيش حد استحلفكم بالله حد هيقول يا فلان ولا كل هيقول ايه بس - 00:22:51

الله عز وجل يجيبهم يجبههم في اللحزة دي بينعقد القلب على انه بيدعو الله. مع انه هيشرك والله عز وجل هيعلم انه هيرجع لاصله تاني وهيكرر كمان بس يجيبه. طب يجيبه ليه؟ مش حبا فيه. لآ - 00:23:13

مش حبا فيه لانه في اللحزة دي اتجه اليه وحسن الزن به سبحانه وتعالى. فلما حسن الزن به كان الله عند حسن ظنه. بمعنى ان هو هستجيب له يستجاب له. مش - 00:23:33

فيه ابدأ والله ده ممكن يكون كافر. ملعون بس لما لجأ الى الله حتى اني مفهوم الله عنده جايز يكون مشوش مشوش يعني معلومات عن رب العزة مش مش سليمة - 00:23:50

بس في اللحزة دي لما لجأ له استجاب له. بس ممكن يكونوا هيدخلوا النار وخالد فيها. بس الجزئية دي لما احسن الظن بربه كان ربه عند حسن ظنه فالمضطر عموماً بقى خرينا احنا مؤمنين وبتقع في لحظات اضطرار. المؤمن المضطر يجب ان يكون كالميت بين يدي - 00:24:09

الغاسل لا تقدر تقول له غطيني ولا اكشفي وبلاش ديت ويقلبك يمين شمال يعصرك يهزك يقلبك على بطنك يقلبك على غاسل هو شايف المصلحة كده. حد الميت يقدر يقول له حاجة - 00:24:37

حتى اهل الميت يقدر يقولوا له حاجة يغسل فهو شايف المصلحة شايف المصلحة تكفيه ليه كده بطلع اللي في بطني بتعمل فيه كده ليه؟ ما نضفش لا هو يقدر يقول - 00:25:00

ولا ايه ولا اهله هو كده. ده المضطر بقى يكون بين يدي ربه كالميت بين يد من يغسله. كل شيه فانت كده خليك في جميع احوالك مضطر مضطر حتى الشيه اللي انا بدعو له الحمد لله خالص. انا مضطر. ليه؟ لمغفرة ربي لخلص ربي من اللي انا فيه - 00:25:19

اللي انا فيه ده هم اللي انا فيه ده فساد اللي انا فيه ده فتنة الحياة فتنة انا مضطر مضطر اننا نعيش في حياة دي فبسأل ربي يسلمني منها. ما انا مش عارف ارواح اعيش في حنة تانية - 00:25:49

مش عارف فانا في حكم الايه ها ايه اللي مقعدك في وسط الناس دول؟ نوتر. ده ناس وحشة، برضه مضطر ما بيصلوش بيعملوا فواحش بيعملوا منكرات. اعمل ايه؟ ارواح فين - 00:26:07

فانا مضطر فتكون كده فيه بقى مضطر الاضطرار بيزيده ضلال لان اصلاً فالمفروض في الاضطرار اني الجأ الى الله ولما ارجع له سبحانه وتعالى ويجيبني المفروض بقى ايه ها ما غيرش بقى السياسة بتاعتي خليني زمني بقى. ما هو مين اللي اجابني - 00:26:22

الله ماشي؟ يبقى ما غيرش بقى المفروض اكمل اكمل صح فيه ناس الاضطرار بيزيدها ضلال بيزيدها ضلال فعلاً والله زدها ضلال. يعني يقع في مصيبة فوق ابنه يمرض مراته تمرض حاجته صحته اي حاجة من الحاجات دي - 00:26:46

يقوم يروح في يروح لايه؟ لاكبر شيخ دعا شوية في البلد كده ما نفعتش. دعا ربنا سبحانه وتعالى. راح مسلاً لشيخ في قويس طلع الشيخ بتاع قويسنا ده تايواني ما ما بيخلصش - 00:27:09

يقوم يروح فين؟ يزود على طنطا يبقى الاضطرار كده بيزودوا ايه؟ ضلال. ضلال مش عاوز يرجع الى الله سبحانه وتعالى. مع ان المشركين الاوائل كانوا غير كده خالص مشركين ايام النبي عليه الصلاة والسلام ما كانوا كده - 00:27:30

كان معهم بيبقى معهم اصنام ممكن تبقى معه صنم في السفرية بتاعته مسافر راكب المركب وهييسافر يروح شمال يمين صنم واخده معه يتبرك به هوب المركب هتغرق يقوموا ما يدعوش الا مين؟ ها - 00:27:48

ويرموا الصلاة يرموه في الميه بلا قرف ما انت مش عارف ايه ها مش عارف تحل لنا الايه؟ المشكلة. يبقى الاضطرار ممكن كات سبب اسلام عكرمة بن ابي جهل كده - [00:28:05](#)

لما مكة فتحت هرب هرب وركب البحر بعيد بقى عن الرسول عليه الصلاة والسلام وهوب المركب هتغرق لان الناس عمالة تدعو الله عز وجل. الله قال ما هو اللي بينجي في البحر وهو اللي بينجي؟ في والله لانجاني الله عز وجل - [00:28:22](#)

وخرجت من الورطة دي لارجع احط ايدي في ايد محمد صلى الله عليه وسلم وبيعه على الاسلام وادخل الاسلام ابو جهل راح على ايه ها؟ على الكفر مات فين قتل - [00:28:43](#)

في بدر عكرمة اسلم وحسن ايه؟ اسلموا في عام الفتح. اسلم وحسن اسلامه بسبب ايه؟ بسبب ان الصنم تخلى عنه ولقى الناس ما بتدعوش الا الله فقال خلاص ما هو اللي بينجي في البحر هو اللي بينجي - [00:28:57](#)

اه فساتات الانسان يعني ممكن الاضطرار يزود الانسان ضلال فايه ما زي برضه حكاية العلاج بالقرآن والرقيه والحاجات اللي انت عارفها دي اه تعب دعا الله وبعدين ما خافش. راح للمشايخ - [00:29:16](#)

لما نفعوش راح للقسيس سمعتم عن حاجة زي كده ولا ما سمعتوش؟ اقبالكم حاجات زي كده ولا ما بالكوش؟ اه يعني هو دعا الله وبعدين ما زهي طيب راح اللي بيقرأوا القرآن ما يعرفوش. راح للقسيس. قال له ده معمول لك ومدفون في القبر والحنة الفلانية. طب والعمل! قال تيجي لي الكنيسة! وماشي - [00:29:39](#)

يبقى الاضطرار عمل فيه ايه ها؟ ها؟ زاده ضلالا مع ان الاصل في الاضطرار امن يجيب المضطرها اذا دعت بس هو لما دعاه ما دعوش ما دعاهوش دعاء المضطر - [00:30:01](#)

دعاه دعاء كده التقليدي دعاء تقليدي كده وحاجة كده ايوه رفع ايده ودعواه لكن لا دعاء المضطر زي ما قلت لك كده ما لكش حيلة خالص ميت وربك سبحانه وتعالى اللي اللي ماسك كل شيه فيك - [00:30:18](#)

قابضة على كل شيه فيك. هي دي. ده دعاء المضطر حالة من حالات الاضطرار زكرها ابن كثير في التفسير ان ترجع نقلا عن ابن عبدالحافظ ابن عساكر ان رجلا قال كنت اكارى على بغل - [00:30:37](#)

نعسكر كثير من زكرها يعني قال كنت اكارى على بغل لي. اكارى يعني باجره زي العربية السرفيس كده كانت هي دي المواصلات الموجودة في الوقت ده. بغال وحمير وابل وكده يعني - [00:30:59](#)

وخيول هي دي العربيات السرفيس كنت اكارى على بغل لي من دمشق الى بلد الزبداني كل ده في سوريا. اسأل الله ان يفرج عنها الهم والكرب. ويهينها المسيح على بغل لي من دمشق الى بلد الزبداني فركب معي ذات مرة رجل فمررنا على بعض الطريق واحنا ماشيين - [00:31:15](#)

على طريق غير مسلوكة. السكة اللي الناس كلها رايحة جاية فيها. هي دي فقام واخندي في سكة ما حدش رايح فيها ولا جاي طريق غير مسلوكة. فقال لي خذ في هزه - [00:31:48](#)

فانها اقرب يعني من دمشق للزبداني دي اقرب يعني حسب كلام هذا الرجل يعني فقلت لا خبر لي فيها. فقال بل هي اقرب. فسلكناها مشينا فيها يعني. فانتبهنا فجأة يعني مش - [00:32:03](#)

في السكة دي فبصيت لقيت فانتبهنا الى مكان وعر وحش ووادي عميق وفيه قتلى كثير جسس مرمية يمين وشمال فقال لي امسك رأس البغل حتى انزل فنزل وتشمر وجمع عليه ثيابه وسل سكيننا - [00:32:20](#)

معه وقصدي ففررت من بين يديه وتبعني فناشدته. جري ووراه فناشدته الله يعني اعمل معروف اتق الله كده يعني فنشته الله وقلت خذ البغل بما عليه يعني يسبيني فقال هو لي يعني انا هقتلك وهو يبقى ايه - [00:32:49](#)

كده كده بتاعي وانما اريد قتلك سبحان الله فيه ناس زي كده اه وموجودة عينات زي كده اصلا مرض طلب في واحد مريض يقتل ناس ولون الدم ده حاجة واحد مريض يستلف فلوس - [00:33:18](#)

مرض انواع الامراض ربنا يعافينا ما لهاش عدد استلف فلوس بوداها فين؟ ما تعرفش. رجال ونساء في العينة مرض مرض الامراض

كثير فده مريض بالايه؟ مريض بالقتل لا عمره له علاقة بصاحب البغل ولا فيه صاحب البغل فيه اي حاجة تربطه به. ده راجل هيوصله  
00:33:39 -

هو مش عاوز يوصله بس الراجل بيوقف في زبداني حد عاوز يروح دمشق يركب هو وصل دمشق حد عايز يروح الزبداني بس زي اي  
عربية انتم عارفينها كده من قال له انما اريد قتلك - 00:34:07

ليه؟ من غير ليه مين غيرلي؟ وبرضو من ضمن الامراض من غير البعيد عن القتل التعقيد في واحد مريض موزف مريض عمره ما  
يمضي بسهولة ابدأ يمرط اللي قدامه مريض - 00:34:25

مع انه ما فيش حاجة خالص ما فيش خطورة خالص الورق حلو كل شيه حلو. ما فيش حاجة ناقصة والناقص معادي سهل يتعمل.  
لكن لا هو مريض امضيتم دي؟ لأ - 00:34:48

تنتزعها من اي حد انما هو مريض مريض فيه ايه؟ الله اعلم بقى ربنا يشفيه امراض كثير كثير اهو ده فخوفته الله والعقوبة فلم يقبل  
فاستسلمت يعني ايه؟ هعمل ايه؟ السكينة في ايده وهاجر ارواح فين؟ ما هو بيحري وراه - 00:35:04

فاستسلمت بين يديه وقلت حيلة بقى ان رأيت ان تتركني حتى اصلي الركعتين تم تعمل معروف سبنا صلى ركعتين وقال صل وعجل  
ده ده مفتري بقى يعني مش همه الايه ها - 00:35:26

ولا خايف من الايه يعني بعد ما يصلي ويعجل هتقتله برضو؟ اه ده انا هصلي والله ياما مين ده مين ده كثير ده الراجل ده والله  
العزيم الدنيا مليانة منه. صل يا اخويا صل ابقى خلي الصلاة تنفكك - 00:35:44

هنعمل اللي في دماغنا يا بابا. صح ولا مش صح طب سيبوني اصلي صال صل لما تشبع منه كثير. هو انت فاهم الراجل ده خلص هو  
الراجل ده اتقتل ساعتها هناك بس لا ده منه منه ذرية واسلالة عفنة - 00:36:05

صل وعجل فقلت اصلي فارتج علي القرآن. اجيب اقرا منين؟ ارواح فين؟ اجي فين؟ دماغه مشتتة تج عليها القرآن يا مش لاقى اية  
اقراها مش لاقى حاجة خالص فارتج علي القرآن فلم يحضرنى منه حرف واحد - 00:36:23

وده عمال يقول لي ايه؟ فبيقول اه بيقول ايه؟ فبقيت واقفا متحيرا طبعا اكيد اكيد القبلة حتى عارف اتجاهه ولا اي حاجة وهو  
يقول هيا افرغ افرغ يعني خلص وهو عارف يصلي وما صلاح ومش عارف - 00:36:44

فاجرى الله على لساني قوله تعالى امن يجيب المضطر اذا دعاه دي اللي حضرت ويكشف السوء ويجعلكم خلفاء الارض الله مع الله  
فاذا انا اري الاية هي دي واقراها بقى من ايه ها؟ من قلبه - 00:37:05

اراه من قلبه هو ده بقى لحزة الاضطرار دي فاذا انا بفارس اقبل من فم الوادي فارس جاي بسرعة وبيده حربة فرمى بها الرجل فما  
اخطأت فؤاده رمى الحرب في القلب عدل - 00:37:30

فخر صريعا فتعلقت بالفارس وقلت بالله من انت انت مين؟ انت جيت لي منين ده الوادي اصلا ما فيهبوش الا جسس اصلا. انت جيت  
لي منين فقال انا رسول الذي يجيب المضطر اذا دعاه - 00:37:54

ويكشف السوء فاخذت البغل والحمل ورجعت سالما ما خدش اجرة بقى بعد المشوار مخدش اجرة رجع ايه سالم ده ده الاضطرار  
اعلم تحس انك ما لكش الا ربك طيب والاضطرار ده مش هينكشف انا بقول لك ما تخليهوش ينكشف - 00:38:13

والله العزيم ما تخلي الاضطرار ينكشف خليك مضطر على طول ايوه الحمد لله انا كنت عاوز فلوس والحمد لله ربنا راضني ماشي  
بس انت مضطر زي ما بقول لك انا كده مضطر انت عاوز مغفرة ربنا ورحمته. مضطر واقف في - 00:38:42

او في مجتمع ما يعلم به الارب العالمين فساد وضلال وحرام يمين وشمال مضطر تعيش فيه. طب دي هتخلص دي هتخلص امتي  
اللحزة؟ ما هي تخلص. الا اما تموت - 00:38:56

صح ولا مش صح مش كده؟ انت مضطر تعيش في المجتمع في البيئة دي تمشي في الشارع اللي فيه تبرج وفضيحة بصرك وعينك  
بتقع برضو يعني مش هبص على العربيات تخبطني عربية ولا ايه - 00:39:12

هترفع ايدك عشان تبص هتلاقي بلاوي. طب اعلم ايه ارواح فين؟ طب اجيب ناس حلوة منين؟ اجيب صحابة منين هو ما كانش

عاجبك يمشي. طب امشي هاروح فين؟ ده انا والله العزيز لو رححت عند الكعبة لالاقى برضو ايه - [00:39:30](#)

الاقى منكرات. طب اروح فين تاني اذا الاضطرار احنا تقريبا واقعين فيه على طول كده ده بالنسبة لمين بقى؟ للي عنده حاسة ايمانية. انما اللي مش فارقة معه يقول لك يا عم ده الدنيا اخر روقان. سيبك يا عم من النكد دي ما تيجي نفرش شوية - [00:39:49](#)  
صح ولا مش صح اه فالشاهد الاضطرار مهم تخليك مضطر عاوز رحمة الله عز وجل الله سبحانه وتعالى وعد عباده باجابة الدعاء بقوله تعالى وقال ربكم ادعوني ايه ها استجب لكم. وهو سبحانه وتعالى لا يخلف وعده - [00:40:07](#)

دعوة المضطر ودعوة المزلوم مستجابة بس لكل ايه لكل اجل ايه كتاب فيه شيه كمان مهم جدا الا وهو العبد قد يأتي الدعاء بقى بصرف النزر عن المضطر وغيره اهو اصل امن يجيب المضطر اذا دعاه له هو اللي هيدعوه بس المضطر هو اللي احنا برضه ندعوه  
- [00:40:32](#)

نروح له ولا ايه؟ مش كده؟ وقال ربكم ايه ادعوني مضطرين او غير المضطرين لازم ندعو قد يأتي العبد بمضادات لاجابة الدعاء يعني العبد بيدعو وفي نفس الوقت بيتلف الدعوة - [00:40:57](#)

او بيعمل حاجة تسقطه مضادة له زي المضاد الحيوي كده بيبقى مضاد للميكروب ففي مضادات للدعاء تدعو وتعمل الايه اعمل الشيه المضاد للدعاء فنحزر هزه الاشياء مضادات لاجابة الدعاء. بمعنى انه يدعو - [00:41:18](#)

ويأتي بالشيه يمنع ان دعاه مستجاب اما اذا كان مضطرا فده حالة خاصة يا مستسنى دعاء المضطر استسنا بنص الاية. اما انا بتكلم على مطلق الدعاء لاني مش مضطر بس هو اللي هيدعو الله كل الناس بتدعو الله سبحانه وتعالى او كل المؤمنين يعني - [00:41:44](#)  
فبس يحزروا ان يأتوا بايه؟ بشيه يضاد دعاه من هزه الاشياء التلبس بالحرام التلبس بالحرام فاحزر يا عبدالله ان يكون في دخلك في مرتبك في مكسبك في تجارتك حرام وطبعا كتير قوي الحرام دلوقتي - [00:42:10](#)

وكلما الناس تتحرى هو اهم حاجة المكسب يكون كتير وحلو وسهل ده الاساس. انما الحارة ديت يعني قلما من يتحرى. اهي دي التلبس بالحرام ويدعو ففي تلبس بالحرام فصد الايه - [00:42:36](#)

كأنه ما عملش حاجة كأنه ما عملش حاجة لحديث عن ابي هريرة قال رسول الله صلى الله عليه وسلم ان الله يا ايها الناس ان الله طيب لا يقبل الا - [00:42:55](#)

طيبة. وان الله امر المؤمنين بما امر به المرسلين فقال يا ايها الرسل كلوا من الطيبات واعملوا صالحا اني بما تعملون عليم وقال يا ايها الذين امنوا كلوا من طيبات ما رزقناكم - [00:43:07](#)

ثم ذكر ده الراوي بقى راوي اللي بيقول كده يعني. ثم ذكر الرجل بس بيقى مين اللي ذكرها الرسول عليه الصلاة والسلام الرجل يطيل السفر اشعث اغبر. يمد يديه الى السماء. يا رب يا رب - [00:43:29](#)

ومطعمه حرام ومشربه حرام وملبسه حرام وغذي بالحرام فاني يستجاب لذلك حديث رواه مسلم بيقى من مضادات الدعاء ها التلبس ها بالحرام مطعمه انا ما كنتش علقت على الحديث ده تعليق فيه استفاضة قبل كده في خطبة من الخطب - [00:43:47](#)

مطعمه معروف المطعم ماشي مش كده طب ومشربه معروف طب وملبسه طب وغذي بالحرام يعني مطعمه ايه ها قوم اشرب طب فين مسكنه؟ الرسول ما جيبش مسكنه اه ما كنتش في سكن يومهم وايجار وبتاع وايجار قديم - [00:44:12](#)

ما كنتش فيه الجارة دي مسكنه خلي بالك من مسكنه مسكنه امال كانوا حرام ليه؟ ما هو بعقل. لا تسترضي صاحب المكان عقده اه بس يكون راضي مش راضي خلاص - [00:44:40](#)

قل له سلام عليكم ممكن يكون مش راضي خالص اي ايجار هو مش راضي هو عاوز الايه ها عاوز العيد عاوز العيد خلاص هيرضى بالايجار زي المسك. خلاص ادي له ايجار المسك. عشان تبقى مسكنك ايه - [00:45:00](#)

حلال مهم قوي مضادات الدعاء نخلي بالنا منها من مضادات الدعاء ان يأتي المرء بما يناقض الدعاء انت بتطلب ايه بتعمل عكس اللي بتطلبه ازاى يعني يا رب اشفيني بيقى انت بتطلب الايه - [00:45:18](#)

الشفاء ومحبوس في مستشفى الصدر ولع يا ابني سيجارة ابنك ولعلك السيجارة تمشي معي يا رب اشفني ها تمشي ما تمشيش

مشيت يبقى انت بتدعو وتعمل اللي ضد الياه يشفيك ده انت بتجاهر وتعمل معصية في نفس الموضوع بتاعك - [00:45:46](#)  
تطلب الشفا وولع السجار يعمل الانسان امورا خلاف خلاف من من اللي بيطلبه بنت مسلا بتطلب من ربنا سبحانه وتعالى يجوزها  
ويرزقها بابن الحلال زهب ابن الحلال. حلو دعوة حلوة - [00:46:19](#)

تعمل اللي ضد الدعوة ابن الحلال يبقى لازم يبقى صاحب دين ولا هيبقى ابن الحلال ازاى يعني؟ عنده عربية يبقى ابن حلال لازم  
يكون صاحب به. ابن الحلال يعني صاحب دين - [00:46:43](#)

تجاهر بالتبرج اخر صيحة. احدس حاجة لاساها. وبيا رب عاوزه ابن الحلال يبقى دي ضد ايه دي ضد دي ابن الحلال يعني راجل على  
دين. طب ما هو بتاع الدين مش هيجي. ليه؟ لان هو انا انا عاوز دين عاوز دين - [00:46:56](#)  
وانا مش شايف ليه هو الدين في البتاع الخيمة والقرف اللي بتلبسوه ده والله اللي احنا هو احنا عرفنا اللي في القلب ايه احنا لنا الياه  
ها من الزاهر كده يعني - [00:47:15](#)

واحد عنده مشاكل في اهله حياته كلها متدربةك وبيطلب من ربنا يصلح حاله. دعاء اطلب ماشي بس خلي بالك ده مش مضطرا اه في  
نفس الوقت داخل مع ربنا سبحانه وتعالى في معركة - [00:47:29](#)

وعاوز ربنا يصلح له الياه الدنيا بتاعته ما تنتكش اطلع من المعركة واطلب من ربك الاول تخلية ثم تحلية اطلع من المعركة يعني  
ايه؟ فهمت فهمت مغزى الكلام؟ يا ايها الذين امنوا اتقوا الله - [00:47:49](#)

وذروا ما بقي من الربا وانت عاوز العيال يبقوا كويسين والزوجة والدنيا والصحة والحكاية ماشي بس انت واقف في حرب مع الله  
اطلع من الحر واطلب من ربك حتى لو ما طلبتش - [00:48:10](#)

الله يعطيك بس الطلب احسن وطلب عبادة اصلا المهم دي مضادات للدعاء نخلي بالنا منها يا اخوانا اللي بطلب اخلي بالي من الناحية  
التانية في ايه؟ لان سيدنا النبي يقول - [00:48:26](#)

وان يستجاب لذلك مع ايه ان دعائي المسافر مستجاب والراجل فعلا والراجل صفته ونعته بس مطعم ومشرب وملبسه وغزيان اه  
نخلي بالنا من ايه؟ من مضادات الدعاء طالما بنتكلم عن دعاء ودعاء المضطر. ويكشف السوء امن يجيب المضطر اذا دعاه ويكشف -  
[00:48:40](#)

السوء ويكشف السوء اخف من الاضطرار او الضرورة ضرورة اكثر السوء حاجة بسيطة بس بتسوء الانسان بتزعله بتزعلو يعني  
مسلا مسلا يعني آآ انت ماشي كويس وما فيش حاجة خالص وخذوا منك الرخص - [00:49:02](#)

كلك عشرة على عشرة بس خدوا منك الرخصة سوق انت زعلان اهو بقى هو الحكاية بس ما وقعش الياه ها ما وصلتش للاضطرار.  
هتمشي وادوك وصل والكلام ده كله. بس خدوا منا سوء اصابك - [00:49:22](#)

حاجات كتير بقى بس السوق مش زي الضرورة. فاللي بيكشف السوء يعني كل ضرورة ايه ها؟ سوء وليس كل سوء ضرورة. مين  
برضو اللي بيكشف السوء؟ الله سبحانه وتعالى الله سبحانه وتعالى - [00:49:35](#)

ويجعلكم خلفاء الارض اله مع الله؟ يجعلكم خلفاء يعني يخلف بعضم بعض والخلافة اصلا او الخلفاء اصلا هم العباد الصالحون فقط  
دول يطلق عليهم خلفاء. اما ما عدا ذلك ورثة - [00:49:50](#)

مغتصبون انما الخلفاء بمعنى الخلفاء اه لذلك قال رب العزة ولقد كتبنا في الزبور من بعد الذكر ان الارض يرثها ايه؟ عبادي الصالحون.  
وعد الله الذين امنوا منكم وعملوا الصالحات ليستخلفنهم في الارض - [00:50:06](#)

كما استخلف الذين ايه اله مع الله؟ يعني اله مع الله؟ فعل ذلك؟ طبعا لا. اله مع الله يستحق العبادة؟ برضو لا يعني يبقى الجملة  
الجملة او الاستفهام مراد منه ايه ها؟ حاجتين. اءله مع الله؟ اجاب المضطر - [00:50:26](#)

اذا دعاه وكشف السوء وجعلكم خلفاء الارض؟ لأ طبعا ما حدش معه. طب اءله مع الله يستحق العبادة مع ان الله هو اللي بيحجب  
المضطر ويكشف السوء ويجعلكم خلفاء الارض. برضو لا - [00:50:49](#)

يبقى لا اله يستحق العبادة ولا اله ايه ولا اله يفعل ذلك ولا اله يفعل ذلك قليلا ما تذكرون خلي بالك بقى من الختام العجيب ده بقى

ونختم به ان شاء الله - [00:51:07](#)

ختام الاية بقى كده قليلا ما تذكروا امال فين؟ بل اكثرهم لا يعلمون كزا. لا لا لا قليلا ما تذكرون. التذكر ضد الايه ها النسيان يبقى الاية بتقول لنا قليل جدا عمر ما حد بيفتكر منكم الا القليل القليل القليل. يفتكر ايه؟ هو ايه اللي احنا كنا ناسيينه مفروض ايه ها -

[00:51:23](#)

نفتكره اهي دي بقى قليلا ما تذكرون قليلا ما تذكرون ان الذي اجابكم عند الاضطرار هو الله معقول! ايوه ليه بقى؟ لان الانسان يا اخوانا هاضرب لك بعض الامسلة كده الصورة هتبقى واضحة اوي. واحنا كلنا تقريبا بنمر بها يعني. الا ما رحم الله - [00:51:50](#)  
المريض اذا دعا الله في حال اضطراره وربنا استجاب له لما ربنا استجاب له استجاب له وقيد له اسباب. يعني ايه برضه؟ رزقه بدكتور عرف الحالة وخط ايده على الدوا - [00:52:16](#)

فخد شخص صح وخذ الدوا صح وخف هتيجي بقى قليلا ما تذكرون. فين كل ما يتكلم مع حد يمجد في بين والدواء اللي خده وينسى مين؟ اللي اجابه عند الاضطرار. هي دي قليلا ما تذكروا - [00:52:37](#)

ما مش هتيجي في بالكم مش هيجي في بالكم الا الاسباب هي اللي هتفتكروها اما مين اللي سببها هتنسوها. في في ايه بقى؟ في زحمة النعمة وفي زحمة حاجات استجدت وخفيتوا ونسيتوا المرض ونسيتم التعب وكزا وكزا - [00:53:05](#)  
كزا تفتكروا بقى ييجي لك واحد مريض او تروح انت تزور واحد مريض تقول له الواحد المريض ده انت بقى نصايحك له مش هتبقى فيها قم بالليل ادعي ربنا. لا لا لا الدكتور فلان - [00:53:22](#)

ده جه هنا قويسنا انا كنت رحتم له اسبوع طنطا وبنها في قويسنا دلوقتي. يا سلام فانت متزكر لايه بقى ها متزكر للدكتور ومتزكر للايه؟ للدوا انما الذي اجابك عند الاضطرار نسيته - [00:53:38](#)

فعلشان كده الاية بتقول قليلا ما ايه ما تذكروا في ملحزتان في الاية قليلا ما تذكرون يعني قليلا منكم عندما يقع في الاضطرار يتزكر ان الله يجيب المضطر اذا ايه؟ دعاه. انما يعمل ايه؟ يلجأ للاسباب الاول. يخلص الاسباب. ولما - [00:53:57](#)  
اعجز خالص والدنيا تتقفل في وشه يقوم يرجع بقى لمين ايه؟ يبقى قليلا ما تذكرون ان الله يجيب المضطر ان الله وخلي بالك طول ما انت معك فلوس والدنيا حلوة - [00:54:26](#)

وتتعالج في احسن مستشفى معك فلوس فلوس كثير فلوس تقف عليها وتشوف الشمس تبقى قد ايه دي ها فلوس ما تقف عليها وتشوف الشمس بقى قد ايه ايه لا لا فلوس سوق حطوها حطوها كده قد ايه كثير ولا شوية - [00:54:45](#)

المهم طول ما انت معك فلوس ما بتدعيش معي فلوس والعربية تحت تعبان كبد مش عارف ايه الكلية فيها ايه الماية محبوسة ايه اللي اللي باكل بقى لقمة بترجع والمعدة والحق الجرسومة والبتاع - [00:55:10](#)

خدني ياد يا فلان هات العربية يلا نطلع على مش عارف ايه كان في في القناة الفلانية جايبين الدكتور فلوس طب الفلوس خالص والعربية انباعت ها والعربية انباعت على العلاج - [00:55:29](#)

على العلاج وبعنا الشقة وسكنا بالايجار والحالة بقى ايه ها ما خفتش في النازل في النازل نقوم ايه؟ نقوم ندعي ربنا بقى بعد كل حاجة ايه الله طب لو دعيناه في الاول - [00:55:46](#)

والدين الحمد لله الدنيا بخير معنا هي دي قليلا ما ايه؟ قليل منكم قوي اللي عمره في ييجي في باله ان يدعو الله ويلجأ اليه طالما معنا طب خلي بالك. عشان كده الاية ختمت بهزه الجملة - [00:56:08](#)

قليلا ما تذكرون. قليلا ما تذكروني ان اللي استجاب لكم الله قليلا ما تذكرون ان اول ما تتحركوا تطلبوا من الله ونتعالج؟ اه ماشي نتعالج بس نطلب منه الاول الشفاء - [00:56:28](#)

وانت بتركب العربية كده وانت نازل وحطيت الفلوس في الشنطة ولا جبت الفيذا بتاعتك عشان تسحب وما تحسش حاجة من حد ارا قبل كل ده اسجد وابكي وتضرع واطلب لانك مضطر - [00:56:44](#)

ولا دول يقدرنا يعملوا لك حاجة في صحتك خالص. هم هيعالجوك بس مش مش هيشفوك وعلشان كده في سورة الشورى الشعراء

فات معنا واذا مرضت نكتفي بهذا القدر ونسأل الله ان يفهمنا ويعلمنا. نعم - [00:57:00](#)

شاب خطف فتاة وبعد الخطبة عرف انها كانت على علاقة بشاب اخر قبل الخطبة وواجهها فاقرت بذلك وعرف والدها وتبين ان

والدها كان يعرف ففسخ الشاب الخطبة ولكنه الان لديه شعور بالرغبة في العودة اليها مرة اخرى ويسامحها - [00:57:19](#)

على هذه العلاقة القديمة ماذا يفعل كفتوى كفتوى يجب الا يسأل الشاب الفتاة هذا السؤال السخيف السؤال السخيف. الشباب بتوع

اليومين دول ما اعرفش في حاجة في دماغتهم ولا دماغهم لحس - [00:57:49](#)

الا ما رحم ربي برضه عشان ما نعممش يسألها وتسأله تعرفي حد كان لك علاقة وهي تقول له انت كان لك علاقة وانصرح بعضه عشان

نبقى على صفحة بيضاء. ده مدخل شيطان - [00:58:17](#)

واسئلة سخيفة ويجب الا تكون اصون يجب ان نتعامل مع الحال الان انت دخلت هذا البيت وتخطب هذه البنت ما لك علاقة بالماضي

انت الاصل انك تبحس عن زات دين والاصل ان هي تبحس عن زات دين فزات الدين - [00:58:37](#)

باين لك اهو لمازا نرجع للوراء؟ هذا السؤال سخيف جدا وفيه مشروع اصلا غير مشروع انت تتحرى وتسال. لكن عرفت ان هي على

شاب على علاقة بشاب ووالده والكلام ده كله - [00:58:59](#)

نصيحة ما ترجعلهاش ليه؟ لان هذا الامر سيطاردك طوال حياتك والشيطان قبل ما تدخل اصلا في سفرة مفتوحة بينك وبين زوجتك

الشيطان فاتح سفرة بينك وبين زوجتك مسألة اسامحها على الماضي والكلام ده كله - [00:59:17](#)

عقبال بس ايه ما يحصل زواج بعد كده هيبقى فيه نوع من الابيه الوسواس والشكوك واشياء كثيرة جدا فما ترجعش الشباب غيرها

كتير وهي برضو ما ترجعش اه لكن نصيحتي لاي شاب - [00:59:40](#)

بيخطب ما يفتش في الماضي ابدأ كذلك برضه اللي بيتجوز بلاش خطوبة بيتجوز واحدة متطلقة يروحوا يسألوا طليقتها ده

غباء او يسألوا المطلقة تسأل المطلقة اللي الزوجة الجديدة تسأل المطلقة واهلها - [01:00:00](#)

هيقولوا لها ايه هيقولوا لها ايه في حق الرجل اللي طلق بنتهم وهي هتقول ايه في حق الرجل اللي طلق اللي طلقها لا يمكن هتسني

عليه الاسئلة دي انت بتقول اومال اومال نتحرى ازاى ونعرف لآ - [01:00:24](#)

لما تيجي تتحرى وتسال ما تسألش الخصم ما تسألش الخاص مش هتاخذ نتيجة سليمة اسأل ناس محايدين اسأل ناس ما لهمش في

الموضوع اصلا يفتوك السؤال عن الماضي بالنسبة للازواج والزوجات دي سؤال سخيف - [01:00:41](#)

ومدخل من مداخل الشيطان علشان يزرع بزور الشك والتخوين بين الزوجين ويفضلوا كده بقى عايشين طول عمرهم فنخلي بالناس

من مسائل ايه نسأل الله ان يهدي شبابنا ويحفظ بناتنا. وصلى اللهم وسلم وبارك على سيدنا محمد - [01:01:02](#)